

# Халқ сўзи

1991 йил 1 январдан чиқа бошлаган

http://xs.uz

E-mail: Info@xs.uz

2012 йил 22 май, № 99 (5519)

Сешанба

## Мамлакатимизда:

### Воқеалар, янгиликлар, хабарлар

#### Сирдарё

“Гулистон фарм саноат” масъулияти чекланган жамияти жамоаси қўшимча имкониятларни ишга солиш асосида маҳсулот экспорт қилиш ҳажмини тобора ошираётди.

#### Экспорт ҳажми ортмоқда

— 2011 йилнинг биринчи чорагида 184 минг 152 АҚШ долларлик экспорт амалиётини бажарган бўлса, жорий йилнинг биринчи чорагида бу кўрсаткич 321 минг АҚШ долларига етди, — дейди корхона раҳбари Уткир Юлдашев. — Биз тайёрлаётган калава ипнинг сифати яхшиланганлиги сабабли хорижий ҳамкорларимиз сафи кенгайиб бормоқда. Айни пайтда Россиядаги “Ўзтекс”, “ТДЛ Текстиль” ва “Райтекс” каби корхоналар асосий мижозларимиз ҳисобланади. Шуниси диққатга сазоворки, вилоятдаги саноат корхоналари шу йилнинг дастлабки уч ойида 29 миллион АҚШ долларлик маҳсулот экспорт қилишга эришдилар.

**Ш. ХОЛМУРОВОВ,**  
«Халқ сўзи» мухбири.

#### Навоий

Навоий шаҳридаги “Kimyo-servis-Navoiy” масъулияти чекланган жамиятида маҳаллий мутахассислар томонидан яратилган илгор технологиялар асосида оловга чидамли шамот тигиллар ишлаб чиқариш йўлга қўйилди.

#### Илгор технологиялар асосида

Таъкидлаш кераки, 1300 даража иссиқликка чидамли ушбу маҳсулот кон-металлургия ва бошқа саноат тармоқларида кен қўлланилади. Шу пайтга қадар у хориждан келтирилган эди.

— Жорий йилнинг дастлабки тўрт ойи мобайнида 161 миллион сўмлик худди шундай маҳсулот ишлаб чиқарилди, — дейди корхона раҳбари, техника фанлари номзоди Адиз Раҳматов. — Пировардида 87,4 минг АҚШ долларлик валюта тежаллишига эришилди.

**А. ЗАРИПОВ,**  
«Халқ сўзи» мухбири.

#### Сурхондарё

Узун туманилик Рисолат Пардаевнинг касби — тикувчилик. Шу пайтга қадар яққа тартибда тадбиркорлик фаолияти билан шуғулланиб келган ишбилармон аёл яқинда ўз фаолиятини кенгайтириб, “Садо ҳеҳра” хусусий корхонасини ташкил этди.

#### Болажонлар учун кўркам либослар

Бунда банкнинг 60 миллион сўмлик кредити кўл келди. Қисқа фурсатда бу ерда 10 нафарга яқин коллеж битирувчилари томонидан замонавий тикув машиналари ёрдамида болажонлар учун бежирим кийим-кечаклар тайёрлаш ўзлаштирилди.

— Маҳсулотларимиз сифатини яхшилашга ҳамда унинг дизайнига алоҳида эътибор қаратаймиз, —

**Н. ТЕМИРОВ,**  
«Халқ сўзи» мухбири.

#### Самарқанд

Самарқанд туманида паррандачиликка ихтисослаштирилган “Меҳр саодати” Ўзбекистон — Кипр қўшма корхонаси иш бошлади.

#### Янги корхона иш бошлади

Айни пайтда хорижий замонавий технологиялари билан жиҳозланган корхонада 10 мингга яқин бройлер жўжалари парвартиш қилинмоқда. Корхона тўла қувватга эришгач, бу ерда саноат усулида 100 мингтагача товуқ боқиш имконияти юзага келади. Яъни ишлаб чиқариш ҳажми ўн баробарга ортади. Мухими, ушбу лойиҳанинг биринчи босқичида 30 та иш ўрни яратилди.

Таъкидлаш кераки, “Меҳр саодати” иш бошлаши билан туманда фаолият кўрсатаётган қўшма корхоналар сони 16 тага етди.

**М. ЗИЁДИНОВ,**  
«Халқ сўзи» мухбири.

## «СУРҒИЛ» ЛОЙИҲАСИНИ МОЛИЯЛАШТИРИШ БЎЙИЧА ҲУЖЖАТЛАР ПАКЕТИ ИМЗОЛАНДИ

Тошкент шаҳрида 2012 йил 19 май куни «Ўз-Кор Газ Кемикал» қўшма корхонаси ва кредиторлар консорциуми ўртасида газ қазиб олиш ва нефть-кимё мажмуаси соҳасидаги «Сурғил» қўшма корхонаси Устурт газ-кимё мажмуаси қурилиши лойиҳасини молиялаштириш ва амалга ошириш бўйича кредит ва лойиҳа битимлари пакети имзоланди.

Мазкур лойиҳанинг амалга оширилиши 2016 йилдан бошлаб йилга 4,5 миллиард куб метр табиий газ, 400 минг тонна юқори зичликдаги полиэтилен, 100 минг тонна полипропилен, 110 минг тонна пиролиз бензини ишлаб чиқариш, бевосита мажмуанинг ўзидан мингдан ортиқ янги иш ўрни яратишни таъминлаш имконини беради.

Лойиҳанинг умумий қиймати қарийб 4 миллиард АҚШ долларини ташкил этади. «Ўз-Кор Газ Кемикал» қўшма корхонасининг таъсисчилари — Жанубий Кореянинг «KOGAS», «Honam», «STX Energy» компаниялари ва «Ўзбекнефтегаз» Миллий холдинг компаниясининг умумий қиймати 1,4 миллиард АҚШ долларини ташкил этувчи тўридан-тўри инвестициялари, шунингдек, чекланган регресс ҳуқуқи ва кредитлари 16 йил муддатда қайтариш шарти билан лойиҳавий молия-

лаштириш тамойиллари асосида жалб қилинган умумий суммаси 2,54 миллиард АҚШ долларини ташкил этувчи кредит ресурслари лойиҳани молиялаштириш манбалари ҳисобланади.

Жумладан, лойиҳа бўйича заёмли молиялаштиришни ташкил этишда Осиё тараққиёт банки, Корея Республикаси тараққиёт банки, Хитой Халқ Республикаси давлат тараққиёт банки, Европа ва Осиёнинг Корея молия корпорацияси, «ING» (Нидерландия), «KfW» ва «Bayern LB» (Германия), «Credit Suisse» (Швейцария), «Nordea» ва «SEK» (Швеция) каби ва бошқа бир қатор етакчи тижорат банклари, шунингдек, Жанубий Корея, Германия ва Швециянинг лойиҳада иштирок этаётган банкларга сурғурта қопламалари тақдим қилган экспорт-кредит агентликлари иштирок этмоқда.

(Давоми 2-бетда).

#### Эътибор

Шоҳрух Ҳўҷаниёзов Хоразм вилоятининг Хонқа туманида истиқомат қилади. Унинг мақсади — бу йил олий ўқув юртига кириб, билим олиш билан бир қаторда ўз бизнесини йўлга қўйиш.

## «МЕНИНГ БИЗНЕС ҒОЯМ»

Кунни кеча ана шу эзгу орзу ижобат бўлди. Яна ҳам аниқроғи, Шоҳрух “Камолот” ёшлар ижтимоий ҳаракати, Олий ва ўрта махсус таълим вазирлиги, Ўзбекистон Савдо-саноат палатаси ҳамда мамлакатимиздаги бир қатор банклар ҳамкорлигида ташкил этилган “Менинг бизнес ғоям” танловида ғолибликни кўлга киритиб, 6 миллион сўмлик имтиёзли кредитга эга бўлди.

— Коллежда санъат йўналиши бўйича таҳсил олсам-да, бизнес режа тузиб, тадбиркорлик соҳасида мустақил иш бошлашни кўндал буён ният қилиб юрар эдим, — дейди у. — Ўтган йили қишлоқдаги ҳовлимизда шунчаки хавасга қуён боқдим. Уйлаб қарасам, қишлоғимизда ҳеч ким кўёнчилик билан шуғулланмас экан. Ваҳоланки, унинг гўшти ниҳоятда фойдали, териси тайёр хом ашё. Устига-устак, бу жонивор тез кўпаяди — бор-йўғи 28 кунда болалайди. Демак, кўёнчилик фермасини ташкил этиш ҳам ўзим, ҳам қишлоғимиз аҳли

(Давоми 2-бетда).

#### Модернизация:

## ИҚТИСОДИЙ ЮКСАЛИШНИНГ МУҲИМ ОМИЛИ

Заминимизда етиштирилган пахта толаси сифат кўрсаткичлари бўйича дунёда етакчи ўринлардан бирини банд этиб келади. Бу эса мамлакатимизда энгил саноат тизимини янада ривожлантириш, ички бозорни импорт ўрнини босувчи маҳсулотлар билан тўлдиришда муҳим омил бўлмоқда. Албатта, мазкур жараёнда пахтани қайта ишлаш ҳамда трикотаж маҳсулотлари ишлаб чиқаришга ихтисослаштирилган корхоналарнинг ҳиссаси бекиёс.

#### Интилиш

Улар босқичма-босқич модернизация қилиниб, илгор ва тежамкор технологиялар билан таъминланаётган, фаолияти йилдан-йилга кенгайиб бораётган юртимиз экспорт салоҳияти юксалишини таъминлаётди.

Богот туманидаги масъулияти чекланган жамият шаклидаги “Коттоптех” қўшма корхонаси фаолияти бунга мисол бўла



олади. Мазкур корхона 2007 йилнинг октябрида калава ип ишлаб чиқариш билан фаолиятини бошлаган эди. Ушундан бу ерга қорайдан 1 миллион 200 минг АҚШ долларлик замонавий дастгоҳлар олиб келиб ўрнатилди. Мавжуд цехлар замонавийлаштирилди. Кўп ўтмай, жамият маҳсулотлари нафақат ички бозорда, балки хорижда ҳам ўз харидорлари-

ни топди. Буюртмалар кўпайиши билан ишлаб чиқариш қувватларини янада ошириш эҳтиёжи юзага келди. Шу асосда корхонанинг 112 кишилик жамоаси модернизация ишларига киришди. Пировардида 2009-2010 йиллар мобайнида “Коттоптех”га 2 миллион 425 минг АҚШ долларлик инвестиция жалб этилиб, техник ва технологик янгиланишлар

амалга оширилди. Янги қувватлар ишга туширилиб, маҳсулотлар сифатини янада яхшилашга эришилди. Пахта хом ашёсини қайта ишлашнинг йиллик ҳажми 3000 тоннага, калава ип ишлаб чиқариш қуввати 2400 тоннага етди. Бинобарин, 25 та қўшимча иш ўрни ҳам яратилди.

(Давоми 2-бетда).

#### Тадбир

Мамлакатимизда амалга оширилаётган кенг қўламли ислохотлар юртимиз тинчлигини мустаҳкамлаш, элимиз фаровонлигини юксалтиришга қаратилгандир.

## Юртга садоқат ифодаси

Бунда республикамиз ички ишлар тизимида, хусусан, малакали кадрлар тайёрлаш бўйича ҳаётга татбиқ этилаётган чора-тадбирлар муҳим аҳамиятга эга. Яратилган мустақам ҳуқуқий-меъриий ва ташкилий пойдевор, жумладан, Президентимизнинг 2004 йил 19 июлдаги Фармони бу борада самарадорлиқни оширишга шароит яратди. Мазкур ҳужжатга мувофиқ, ички ишлар идоралари мутахассисларини тайёрлаш замон талаблари асосида тақомиллаштирилди. Шу жумладан, Сержантлар таркибинини тайёрлаш бўйича олий курслар ташкил этилиб, уларда ички ишлар идораларининг соҳавий хизматлари учун мутахассислар етказиб бериш йўлга қўйилди.

Бугунги кунгача мазкур даргоҳда 15 та йилгини ўтказилиб, уларда патруль-пост, йўл ҳаракат хавфсизлиги, хорижага чиқиш, келиш ва фуқароликни расмийлаштириш, қўриқлаш, ҳуқуқбузарликларнинг олдини олиш, жазони ижро этиш, ёнғин хавфсизлиги ва бошқа йўналишлар учун сержант-кадрлар тайёрланди. Айни чоғда битирувчилар ички ишлар тизимида масъулиятли вазифаларни шараф билан бажариб келишмоқда. Бу эса тизим профессионал кадрлари негизи мустақамлини бораётгани, жамоатчилик тартиби ишончли қўлларда эканлигининг тасдиғидир. Булар Ўзбекистон Республикаси Ички ишлар вазирлиги академияси ўқув-дала полигонидан Сержантлар таркибинини тайёрлаш бўйича олий курслар курсантларининг хизмат қасамёдини қабул қилишга бағишланган тантанали маросимда алоҳида таъкидланди. Унда вазирлик ва жамоат ташкилотлари вакиллари, оммавий ахборот воситалари ходимлари иштирок этди.

(Давоми 4-бетда).

(Давоми 2-бетда).

## Юксак ташкилотчилик ва кўтаринки кайфият муштараклиги



Шомурот ШАРАПОВ олган сурат.

Нафосат. Латифат. Гўзаллик. Баркамоллик... 18-20 май кунларида пойтахтимизда бадий гимнастика бўйича юксак савияда ўтказилган Жаҳон кубоғи босқичи ҳамда “Нарру Сагаван” халқаро турнирида ана шундай фазилатлар яна бир бор ўз ифодасини топди.

#### Бадий гимнастика

Бундан нафақат иштирокчилару мутахассислар, балки ҳаяжонли лаҳзаларга бевосита гувоҳ бўлган мухлисларнинг таассуротларидан ҳам қилиб олиш мумкин.

Халқаро гимнастика федерацияси шафелигида Ўзбекистон гимнастика

федерацияси, Маданият ва спорт ишлари вазирлиги томонидан ўтказилган мазкур нуфузли мусобақаларда Жанубий Корея, Индонезия, Франция, Россия, Озарбайжон, Мексика, Бразилия, Болгария, Миср, Венесуэла каби 18 давлатдан 120 нафардан

зиёд энг кучли спортчилар ғолиблик учун куч синашди. Айни чоғда мазкур нафосат ва гўзаллик бахсларида Ўзбекистон терма жамоаси вакиллари ҳам ўз иқтидорларини намойиш этишди.

Албатта, булар мамлакатимизнинг барча худуд-

етишишларига хизмат қилаётгани билан аҳамиятли. Президентимиз ташаббуси билан йўлга қўйилган, дунё таърибасида кузатилмаган ноёб тизим — уч босқичли спорт ўйинларининг ҳам бунда муносиб ўрни бор. Негаки, мактаб ўқувчилари ўртасида ўтказилаётган “Умид ниҳоллари”, академик лицей ва касб-хунар коллежларида тахсил олаётганларнинг “Баркамол авлод” ҳамда олий ўқув юртилари талабалари иштирокидаги Универсиада мусобақалари асосида баркамол авлод орзуси ушалмоқда.

(Давоми 4-бетда).

(Давоми 2-бетда).





